

Funcionario di IBiSA, Edgar Erasmus

“Pareha Real ta boga pa promove movecion bou hubentud”



ORANJESTAD (AAN): Funcionario di IBiSA encarga cu coordinacion di e instructornan na scol, sr. Edgar Erasmus tambe tabatin e honor di por a splica su tarea na e Pareha Real. E mester a papia riba e area di scol y hubentud.

Segun Erasmus, e Pareha Real a haci preguntanan relevante relaciona cu e weganan internacional escolar cu Aruba a caba di participa na nan y tambe con IBiSA ta hacienda e actividad y stimula

e muchanan pa haci deporte. Mester bisa cu Pareha Real su enfasis ta e participacion di e muchanan y nesesariamente e competencia, e muchanan mester tin e satisfaccion den loke nan ta haci.

Riba e pregunta di Su Mahestad Rey Willem Alexander con IBiSA ta anda cu muchanan cu ta enfoca hopi riba bira grandi den deporte y no ta logra, dunando como ehempel Merca, unda muchanan cu no ta yega leu den deporte ta cay den un

bashi, Sr. Erasmus a bisa cu na Aruba ta forma e base prome, introduci e muchanan den e cultura di movecion y una bes cu e muchanan gusta e movecion y deporte, e ora ey nan por bira miembro di e deporte organisa. “Asina nos ta evita e peliger cu nan ta cay afo ta bira menos bou di nos muchanan”, Erasmus a bisa.

Por ultimo Sr. Erasmus ta hopi satisfecho con tur cos a bay e mainta di e Royal Jump Up caminda cu e highlight sigur tabata e flashmob.

